



Synfocity = 827

mail us at : mzsynfo@gmail.com; mizoramsynod@gmail.com - Phone - 2314648

February 10, 2022

❑ **Bial Kohhran Hmeichhe Inkhawmpui**

February 11 - 13, 2022 chhung hian Bial hrang hrangah Bial Kohhran Hmeichhe Inkhawmpui neih a ni dawn a. Amaherawhchu, hripui leng mek avangin kum dang angin hman a remchang lova, tun tumah pawh hian zan lam programme awm lovin chhun lamah Rorel inkhawm leh Pathianni chawhma leh chawhnuah te hun hman a ni ang a, Sawrkar Dan zawm chungin fimkhur taka kalpui a ni ang. Bial Hmeichhe Inkhawmpui hman dan tur hi Bial Hmeichhe Committee-in ngaihtuahin a remchan dan anga hman thin a ni a, churang chuan Bial hrang hranga hman dan pawh a inang vek lo a ni.

Mizoram Presbyterian Kohhran chuan Bial Kohhran Hmeichhe Inkhawmpui hi rualkhai taka hman anih theih nan a hun tur hi Synod-in ruahmanna siamin February thla Pathianni wawi 2-na hmanga neih thin a ni a, amaherawhchu hripui leng mek avanga a hun pangngaia hmang thei lo tur Bial engemaw zat an awm bawk.

❑ **Synod Mission Board leh ram pawn chet velna**

♦ **February 9, 2022 (Nilaini) thlenga Synod Mission Board hnuafia Missionary leh an chungte zinga Covid-19 kai zat leh an dinhmun chu hetiang hi a ni:**

Hrikai zat 693 niin enkawl lai 28 an awm a, enkawl dam tawh 662 niin thi 3 an awm a, an zingah hian mipa 323 leh hmeichhia 370 an awm a, kohhran hoten i tawngtaipui zel ang u.

♦ **Delhi Mission Field**

February 6, 2022 (Pathianni) khan ringthar 1 Lal Isua zui turin a inpe.

♦ **Odisha Mission Field**

February 6, 2022 (Pathianni) khan ringthar 20 Lal Isua zui turin an inpe.

♦ **Jharkhand Mission Field**

February 6, 2022 (Pathianni) khan ringthar 8 Lal Isua zui turin an inpe a, Roman Catholic leh Believers atangin mi 7 kan Kohhranah an inpe bawk.

♦ **Assam Mission Field**

February 6, 2022 (Pathianni) khan ringthar 1 Lal Isua zui turin a inpe.

♦ **Home Mission North**

February 6, 2022 (Pathianni) khan Marpara North Bial, Hnahva Kohhranah ringthar 5 Lal Isua zui turin an inpe.

♦ **Arunachal & Assam Mission Field (East)**

February 9, 2022 (Nilaini) khan ringthar 2 Lal Isua zui turin an inpe.

♦ **Delhi Mission Field**

February 9, 2022 (Nilaini) khan ringthar 50 Lal Isua zui turin an inpe.

❑ **KTP**

♦ **KTP General Conference hun sawn chungchang**

Kum 2022-a KTP General Conference March 3-6, 2022 chhunga Kolasib-a neih tur chu Covid-19 hrileng avangin a hun takah neih theih a ni ta lo a. Central Kristian Thalai Pawl Committee wawi 748-na January 27, 2022 (Ningani) a neih chuan Synod Officer's Meeting(OM) remtihain May 5-8, 2022 inkara hman turin a rel a ni.

♦ Central KTP leh MSACS tena short film insiamsiak an buatsaih result puan hun atana February 4, 2022 an lo ruahman chu Covid-19 hrileng inkhuahkhirhna avangin hun remchanga puan turin sawn a ni a. Result puan hun tur hi la inhriattir leh tur a ni.

♦ February 3, 2022 (Ningani) zan khan Mizoram Synod Choir te sak 59th KTP General Conference Theme Song (Hla Pui) - 'Tunlai Thil awmzia' tih chu CKTP Leader Rev. Vanlalmuanpuia Khiangte in a tlangzarha CKTP youtube channel-ah leh Hruaina Eng TV Channel-ah te dah a ni.

❑ **Synod Prison Ministry**

February 7, 2022 (Thawhtanni) khan kumin atana committee hmasa ber neih a ni a, hmalakna tur hrang hrangte an rel.

- ❑ **Kohhran Hmeichhia**
 - ◆ February 11, 2022 (Zirtawpni) hian Tanhril Kohhran Hmeichhe Silver Jubilee lawmna hmanpui turin Pi Vanlalhruaii, Vice Chairman leh Pi Lalhmingliani, Fin. Secretary te an kal ang.
 - ◆ February 10-15, 2022 chhung hian Våthuampui Bial Kohhran Hmeichhe Inkhawmpui hmanpui turin Central Kohhran Hmeichhe Hruaitute - Pi Lalrinkimi - Ex Chairman, Pi Lalrinliani - Treasurer, Pi H. Lalrintluangi - Committee member leh Pi Rosiamliani - Committee member te an kal ang.
- ❑ **Zin**

February 9, 2022 (Nilaini) khan Bualpui North-ah MDTC Vety Clinic Rev. Dr. K. Lallawmzuala - Executive Secretary i/c Mission-in a hawng a. Rev. R. Lalhmingsanga - Secretary, SMB, Upa Lalbiakenga Fanai - Coordinator, Pu B. Lalringliana - Mission Promoter leh BEC member Rev. F. Lalrinnunga leh Rev. C. Sapaika te he hun hmang tur leh Managing Committee nei turin an kal.
- ❑ **Synod Relief Fund**

Tun hnaia Hunthar venga vanduaia tawk chhungkaw 5 hnenah Synod Relief Fund åangin chhawmdawlna Rs. 32,000/- pek a ni.
- ❑ **Hruaina Eng FM Radio :**

FEBRUARY 11, 2022 (Zirtawpni) (FM Zoawi - Aizawl & Lunglei @ 7:30 p.m.):
Solo : K. Vanlallawmi - Harhna kan ngai, *Zaipawl* : Dawrpui Vengthar Kohhran Zaipawl - Vanram pan hlimte zai ru, *Thusawi* : Rev. R. Lalchaglana - Zoram mamawh harhna Kristian Chhungkua,
Solo : Isak Malsawmtluanga - Simin i hnen ka rawn pan e, *Zaipawl* : Tuivamit Kohhran Zaipawl - Harhna.
- ❑ **Susamachar Prasaran Programme :**

FEBRUARY 13, 2022 (Pathianni) 5:00 pm. :

<i>Group/Choir/Solo</i>	: Diphu Pastorate Choir - Lang tha sining
<i>Group/Choir/Solo</i>	: Republic Veng Masihi Sangati - Chalo mere sath
<i>Sermon</i>	: Rev. Vanlalbela - Isu Jevan Data He
<i>Group/Choir/Solo</i>	: Khatla Masihi Sangati - Ishu Tera Wada
<i>Group/Choir/Solo</i>	: Tuikual Pastor Bial - Prabhu Mere
- ❑ **Moderator leh Executive Secretary-te Programme:**

Rev. Dr. Vanlalnghaka Ralte : Moderator
Feb. 15, 2022 OM
Feb. 17, 2022 Synod Finance Committee

Rev. C. Zoramawia : Senior Executive Secretary
Feb. 15, 2022 OM
Feb. 17, 2022 Synod Finance Committee

Rev. V.L. Luaia Hranleh : Executive Secretary
Feb. 15, 2022 OM
Feb. 17, 2022 Synod Finance Committee
Feb. 18, 2022 Zirlai Viltu Committee

Rev. Dr. K. Lallawmzuala : Executive Secretary
Feb. 14, 2022 Education BEC
Feb. 15, 2022 OM
Feb. 17, 2022 Synod Finance Committee
Feb. 18, 2022 Zirlai Viltu Committee

KOHRAN HMEICHHE ROREL INKHAWM HUN SAWN THU

Mizoram Presbyterian Kohhran Hmeichhe Rorel Inkhawm vawi 11-na chu March 11-13, 2022-a Mission Veng Kohhran Biak In-a neih tura ruahman a ni a. Amaherawhchu Kohhran Hmeichhia Central Committee chuan kan rama hripui (Covid-19) leng dinhmun enin Synod Offices' Meeting (OM) remtihna "Kum 2022 Kohhran Hmeichhe Rorel Inkhawm chu ni khat chauh hman ni se, a hun atan May 26, 2022 (Ningani) ni se" tiin a rel a. Hei hi an huam chhunga Pastor Bial hrang hrang leh Kohhrante an hriattir a ni.

MOTOR AUCTION

A hnuai tarlan Motor hi hralh tur a ni a. A lei duh chuan Rs. 2,00,000/- (cheng nuai hnih) aia hniam lovin mahni lei ngamna zat, address, phone number dik taka ziakin, chhanna chu envelop char thlapin a hnuai hming ziak hnenah thehluh tur a ni.

Motor : Bolero DI SLX AS-11 G-4584
 Last date of submission : Dt. 15.2.2022, dar 1:30 pm thleng
 Hawn ni : Dt. 16.2.2022, dar 1 : 00pm
 A hmun : Senior Executive Secretary Room, Synod Office

A hawn nia awm ngei, a chhangsang ber, a man pe tla nghal thei hnenah pek a ni ang.

Sd/-
 (Rev. C. Zoramawia)
 Senior Executive Secretary
 Mizoram Synod

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin Rs. 10/- a lei theih a ni
 Dil hun chhung : April 26, 2022 (Thawhlehi) tlai dar 3:00 thleng
 Dil thei chin : Class VII passed, kum 16 chin, Kohhran dan chhunga awm
 Interview : April 28, 2022 (Ningani) chawhma dar 10:00
 Class tan hun : May 3, 2022 (Thawhlehi)
 Zir hun chhung : May - August, 2022

Hrechiang duh tan Phone No. **0389-2317343/8296035491**-ah zawhfiah theih a ni.

Sd/-
 Rev. Lalrinsanga
 Principal
 Presbyterian Bible School

SYNOD BOOKROOM BOOK NEWS FOR THE MONTH OF FEBRUARY 2022

- | | |
|--|-----------|
| 1. Presbyterian Kohhran kalphung: Rev. Dr. Dengthuama | Rs. 150/- |
| 2. Missionary te leh Zofate: H. Rammawi | Rs. 300/- |
| 3. Isua Hming: Upa Dr. C. Nunthara lehin | Rs. 200/- |
| 4. Nitin Thlarau Chaw: | Rs. 150/- |
| 5. Naupangte Lalpa Hmaah: Rohmingliani Kiangte | Rs. 150/- |
| 6. Thil Siam Thar Nihna Dik Chu: Upa Dr. C. Nunthara lehin | Rs. 280/- |
| 7. Dhandha (Sumdawnaq): Richard Zongte lehin | Rs. 200/- |
| 8. Mizo chanchin: Rev. Liangkhaia | Rs. 300/- |
| 9. Champion Thuruk: H. Thangchungnunga | Rs. 500/- |
| 10. Pathian Leh Kan Ram Tana Ka Tawn Leh Rah Chin: Lt. K. Zothanmawia | Rs. 300/- |
| 11. Kan Ram Leh Hnam Humhalh Nan: Lalthara IAS (Rtd) | Rs. 250/- |
| 12. Zoram Arsi: Lalramthara | Rs 350/- |
| 13. Bawktlang Thawnthu: L. Keivom | Rs. 350/- |
| 14. Mizo General Knowledge Vol-12: R. Lalhmangaihsanga | Rs. 300/- |